

四庫全書

集部

欽定四庫全書

雪坡集卷十五

宋 姚勉 撰

詩 七言律

廷唱謝恩

赭袍黃屋儼臨軒
獨立班頭領衆僊
五色雲乘金殿日
一聲雷繞玉除天
浮榮何敢矜科第
實地惟知學聖賢
深重君恩無以報
疾風草勁雪松堅

恭和御賜詩

叨塵愧甚鶴乘軒
誓報洪私敢塞源
回有聖明真顧輔
軻於仁義豈忘言
清朝長欲諸賢在
公論常扶一脈存
湛露獨霑慚過厚
盍推四海徧皇恩

聞吳山鐘

舉世昏昏醉夢中
一聲震撼自天宮
鼇呿大海三山動
獅吼危巔萬獸空
待漏早朝驚假寐
求衣宵起寤宸聰
須臾濁霧都收歛
喚出扶桑皎日紅

寄題武安節推同年萬君定翁露香堂露香取
趙清獻公夜則以日所為告之天也是官也

蓋清獻初仕云

盡將心事寫成碑大要操修在不欺此一瓣香前輩似
只三箇字老天知素瓶貯豆應先滿匹馬攜琴料自隨
吾榜得人今又盛會排介甫擊升之

送鄭編修侶子四省元

文章得印天嘗靳家世傳燈古亦疎幸甚遷能紬石室

金
卷十五
惜哉昶亦誤銀車君今自是人龍子名復高橫薦鸚書
讀飽鄴侯三萬軸放高通德舊門閤

着身書帶草堂中得與郎君硯席同能學鳴蟬宜賦好
不求野鷺自書工壯懷直擬睞龍虎別恨休驚背燕鴻
他日東山香宇宙格齋方不負誠翁

次韻黃東野德明且識初識

敲冰燒葉煮槍旗一笑平生識面遲道上孔程傾蓋日
酒邊質白解貂時飽叅霽月光風趣似讀晴煙暖霧詩

未識黃先聞有晚煙晴
帶濕春霧暖生香之句
甚欲為雲從上下只愁龍去渺
無期

奉餞萬安贊府兄長之官

有客來從仕國中多時竹馬開
兒童爭言記壁崔斯立
今屬詩家姚武功一節清如金
掌露十分明似水晶籠
先聲已好為官易飛鶚聯翩
遇順風

天下如今怕縣灘廬陵見說縣
尤難扶搜隱匿嘖豪戶
遲鈍催科怒上官革弊有方須
是漸卹民到底莫如寬

萬家壯邑雖煩劇邑相能賢儘易安

吾族年來亦自奇兩年兩度報瓜時
班行笑我難安脚
州縣輸君省皺眉學不濟時非有用官能及物儘堪為
山林肥遯方深密夢入春池但寄詩

和趙提刑韻送呂堂長主簿

道在顏瓢樂不憂清風端可繼前修
揭將西澗重新了
莫是東萊再出不學校諸生俱嚮仰
文章太守共賡酬
戍瓜忽及東吾道輕重從知繫去留

擘脯鉤鱸倩老羝離腸那肯話酸悽題橋舊事傳邛蜀

衣錦新榮耀會稽

蜀人入得閬州主簿

未領衆星朝極北且擎一

柱立天西鳳鸞止止寧棲棘五色雲間有紫泥

乙卯七月庚子魁祀禮成同舍諸新元相與宴

擬鹿鳴也故敢亦擬勸駕詩呈幸領此意

四州八邑此同憲鏗石鏘金日擊撞鵬翼相將搏北海
龍頭更奪過西江蒿華是日開先宴萸菊他時捷各邦
橫浦自期吾豈敢玉山對策又無雙

次友人示詩集

辛亥春

杖藜看笋數犀株天墮香雲五色書落月照人驚夢昨
光風識面記春初珠駢巧語誰能揀錦比新詩迥不如
轉讀轉佳難去手眉間愁思為君舒

錦江前日解征鞍剝擬春衫準酒歡杜宇有聲催客去
海棠無伴與誰看而今柳巷青春老又是秧塍白水漫
君欲相思須命駕休言別易盍簪難

去歲春風客帝京西湖煙雨過清明蘇堤畫舫春三月

天竺清鐘夜五更行李裹書歸舊隱
野花沽酒賞新晴
只緣未讀時文熟端合山中且采羹

次韻諸友遊雲居

又是東風柳絮時
催春尚喜杜鵑遲
雨晴蔓綠侵高木
風定殘紅閣舊枝
眼底好山娛意思
耳邊幽鳥話心期
雲居見說郊行樂
不得騎驢背錦隨

絮風絲日颺新晴
望柳前川學大程
浪不起花澄沼徹
雲無留葉太虛清
林間整屐聞鶯語
竹外攬筇數蟻行

底事春愁都減盡
新來不似舊鍾情

和松窓主人薦墨客詩

久不欹眠聽說詩
心茅又塞介然蹊
那能蠶雨鳴窓葉
徒自鷄天舞甕醯
詩態笑看雲靄靄
客懷喚醒曉淒淒
龍香惠我真安用
君有佳篇好自題

和通判直閣立春聞鶯

寂寂江城又立春
土牛何物竟無神
試傾官酒梅花畔
不似園丁菜把新
綵勝豈留良夜夢
紙窓靜拂隔年塵

東風畢竟於人好早有鶯聲入髻唇

畫角聲中曉喚春依城柳眼又精神試呼臘蟻梅邊酌
恰喜朝鶯雪底新幽谷暖融空翠濕上林香動軟紅塵
燕樓暗想翻新曲惱破朱櫻一點唇

和張公望苦熱韻

火傘停空更不移此身如着甑中炊蠅方附熱爭投案
蟬欲追涼別過枝靜話竹窻煎雪浪倦投水館卧風漪
渠儂箇底休嫌熱聞道廬南正出師

一榻尋涼晝幾移
畏看煙火欲停炊
喜聽晚雨鳴荷葉
安得秋風起桂枝
林靜獨宜眠綠蔭
波寒誰伴釣清漪
讀君妙句真如濯
願拜敲推一字師

題朱氏梅芳書院

暇日訪炳昭秘書于新創之精舍見其所以為學
喜而賦之

玉梅蒼竹擁冰壺
中有揚雄宅一區
地占清虛開境界
人從確實作工夫
窮經得趣床橫易
體道存心壁畫圖

格物致知功用大的傳顧繼考亭朱

題胡景顏雙清堂

石灘江上一詩仙家住雙清小有天
白裏出奇超象外人間無事到吟邊
讀騷長在滋蘭畹好客多留種秫田
見說尚參顏樂處今時誰似若人賢

題華嚴寺

庚申正月五日

蕭寺恭拈一瓣香漢宮遙上萬年觴
庚申再造皇基遠甲子新開御歷長
萬物總歸春宇宙八荒都入壽封疆

小臣政此朝天闕
葵藿傾心仰太陽

送別張倅

滿襟霽月皎無塵
愛客寧嫌客過頻
倚竹題詩驚思妙
傍花尋柳見情真
如今南浦傷行客
此處西湖有主人
與着三年端的約
孤山同訪早梅春

送別趙倅

寶婺星邊太白僊
馭風飛下錦河邊
竭來盡散陽春脚
歸去獨撐明月船
名重題輿千里郡
詔催步履八花磚

只愁此後民艱食誰與邦民作食天

和友人春雪韻

曉來積雪被長巒約住春和縱臘寒
諄賀豈堪隨味道
高眠且只學袁安謾驚柳絮攬先舞
獨愛梅花奈久看
安得化為千萬庾放教糴事一分寬

丁巳春夏之交巨浸屢至小民艱食郡侯請諸
寓貴講行賑濟漸就次第僉幕有撓其議而
變其法者楊監簿再來請入局商榷不赴寄

以詩

趁晴亦欲強追陪，爭奈濃陰墨樣堆。
燕子纔銜春色至，鵲鳩又喚雨聲來。
從教野草爭先長，勒住名花莫浪開。
世道而今總如此，竹闌深閉且擎杯。

戊午喜罷和糴

聖主天姿本至仁，豈容重糴久傷民。
聳傳丹鳳銜來詔，媿殺蒼鷹枉做人。
方峻符移譁咻突，忽收簞楚罷吟呻。
歡聲和氣乾坤滿，爭祝皇齡萬萬春。

到處相思虎政苛設官本意果如何民今不足將誰足
糴本名和豈是和一例冉求增聚歛幾人陽子拙催科
昨來投効歸歟者到底賢聲却不磨

珍重蕭灘刺史賢能令四海徧皇恩奏篇纔上旋如請
明主何嘗不可言彼已任教書課最若人方稱冊臨軒
正愁舉世皆喑啞也有朝陽鳳叫閣

虐糴安能峙糗糧只因根本暗中戕並緣鼠猾豐衣食
受納狼貪富橐囊中戶白科都罄室列城黑腐謾盈倉

邊塵瀕洞烽煙急民命如絲謹勿傷

和鄒希賢舟中遇風雨

湖干野泊不知更水國荒寒愴旅情
一夜奔雷吁可怪
滿空寒雨注如傾颶風翻海驅潮勢
戰鼓轟天震地聲
到曉定應三尺雪短篷忽漏赤曦明

次方峻峯餞行韻并柬蛟峯

公孫曲學聽渠阿正則寧隨上下波
浪憶笑談今已矣
不知眠飯近如何故人几上書應少
俗客門前屢豈多

賴有頴濱相慰藉夜床風雨對東坡

和劉山居見惠之什

久矣尊鱸欲趁歸自知花樣不隨時
巖張欲保君心泰
英竦終嫌聖德詩
榮辱不知欣我在
怨尤俱泯恃天知
達官格子那能學
橫艇何妨釣野池

喜逐秋風馬後歸及君猶未成瓜時
盡傾無底囊中語
細讀新吟卷裏詩
好趣莫教兒輩覺
此心惟有故人知
只愁天欲孤籠翼
早晚芙蓉在綠池

西山庵居

作者于今已幾人
謝天放我出紅塵
尋渠林鹿沙鷗伴
乞得孤雲野鶴身
閒味聖賢皆古意
靜觀景物四時春
元正除授君知否
食邑西風號逸民

贈術士姚有應自號通靈心神僂口

一點靈虛鏡樣明
只須提掇要常醒
微幾纔動先知吉
萬象交森獨測靈
至寂靜中能有感
遍酬應後却無形
死灰枯木都非法
但讀吾儒一字經

僊在虛懷不可知神僊有口欲何為餐風吸露囂塵表
說地談天爛醉時不帶一星煙火氣儘饒三寸帝王師
到頭莫把真機泄靜默元來未是癡

代謁張別駕

入境歡聲聽野農題輿今有曲江公官居寒露清冰裏
人在光風霽月中席有新詩吟客滿案無滯牘訟庭空
只愁驥足難淹久行捧絲綸入漢宮

放浪江湖已幾年袖攜長劍倚天邊草廬不見蜀諸葛

采石謾思唐謫僊虎穴未能酬素志龍門端合謁時賢
鄉邦幸有乖崖在庶許諸生學李旼

挽趙制機

見說襄陽墮甌時公嘗前此料危機傷心漢峴疆重拓
回首羊鄒事已非安得籌邊書日報誰能薦士剡天飛
當年子羽知吳玠尚作西撐一柱巍

雪坡集卷十五

欽定四庫全書

雪坡集卷十六

宋 姚勉 撰

詩

五言絕句

五言八句

梅境

僊家瑤林天移來在江國誰歟境中人山立而玉色

桂莊

不求田二頃只種桂為莊秋滿黃金粟飽餐風露香

仁山

山為仁者樂况復字為仁坐與茲山對靜中天地春

題月磯詩藁

古苔磯上立釣為月明垂夜半清歌起無魚釣得詩

湖上釣者

荷風湖面曉垂釣柳陰中何日能蓑笠扁舟此興同

題雪竹扇

此君腰不折玉立有餘清曉窗擁鼻吟聽渠落水聲

王君猷花圃八絕

海棠城

家住山水國種花以為城詩將日登陴圍春驅酒兵

薇香洞

密粟出濃紫幽花間深黃有誰吟其間含香一薇郎

若春

靜中見萬物各各有春意收拾入襟懷陽和散天地

花谷

羣花各嬌春
粲若錦繡谷於焉
日逍遙中有人如玉

橘隱

商山不茹芝
對奕寄此橘
已人忽招隱
似為子房出

臨清橋

通渠入小池
循除漚漚鳴
羣魚忽悠然
過橋聞屐聲

山扉

一逕綠陰去
隱隱花竹幽
主人地行仙
終日杖屨遊

鑑池

春風鑑池水長年弄清暉仙翁晚歸來子孫笑牽衣

感山十詠

書于雲卧
菴壁間

松闕

舍舟上招提遙入松林間

缺二字

俗塵網是名第一闕

翠鎖

濃綠滴濕衣煙嵐翠交鎖名韁莫能繫方此不失我

感山

山以感為名可見天地情萬籟恬不作風來自松聲

石橋

石梁平砥似池水明鏡如晚涼散步穩凭欄此觀魚

華嚴堂

寂寂華嚴堂富貴佛境界何須九九編吾有艮一卦

旃檀林

心清間妙香宴坐旃檀林坐香元不斷莫作死灰心

慈航

佛手撐慈航尚欲濟我人寄語作舟者江濤渺無津

甘露臺

有唐太和年宮中亦甘露曾不如此臺空山自甘霖

雪窻

地爐宿松火紙帳橫梅枝春蟲撲簌簌惟有蒲團知

雲卧菴

動靜貴一如妙處非塊坐高人定不死枕此白雲卧

先賢八詠

三閭紉蘭

三閭紉佩秋志在公子蘭茝不察予衷江干淚潺湲
瀟溪愛蓮

斯蓮君子花幾為佛所汙先生獨拈出萬世知向慕
靖節採菊

腰不為米折頭獨採菊低晚節名元亮思與隆中齊
和靖探梅

孤山養孤鶴宜與梅為隣處士若輕出梅花應笑人

嵇康撫琴

先生人中豪志不肯司馬一曲廣陵散絕世不可寫

謝安圍碁

安石廊廟姿豈不嫻將略
氏奴驚偉人良已先得着

杜甫吟詩

平生忠義心一飯不少忘
臣甫寧餓死願君堯舜唐

李白醉酒

殿前伸脚時奴視高力士
羣阍旁吐舌翰林醒不醉

雪景四畫

剡溪乘興

山骨凍稜稜溪色清
練練溪山中雪月如對故人面
門
局隱廬深舟楫征
拖轉勿云興已盡
不見方真見

寒江獨釣

殘蘆颯欲乾枯柳漸已集
彼舟者誰子被此玉蓑笠
寒
鱗正依藻垂餌安可及
此興不在魚
攜竿雪中立

灞橋騎驢

飄飄風中雪
漑漑橋下水
雪寒換清骨
水淺漱塵耳
詩

情散天壤妙處乃在此得句欲似誰岸梅是知己

藍關擁馬

雪擁尚秦嶺天盡為潮陽吾馬不能前吾骨凍不殭崢
岷雪中峯萬仞摩蒼蒼非馬度藍關騎龍白雲鄉

謝久軒蔡先生惠墨九首

墨以傳千古文章之印為韻

孔鐸經百年誣世有楊墨天生子輿氏邪說一以息紫
陽曾未遠人復詆無極先生嚴衛道功比異端闢

使從武夷來惠我墨長尺黝然禹玄圭上有久軒字他

珍不余畀遺此良有以天未喪斯文誓將立人紀

孔學授顏曾有孫復能傳道脉萃一家壽此嘻其天西
山宗紫陽妙會衆理全先生嗣派嫡再演中庸篇

軒冕儻來物豈足羈聖賢素王萬世功杏壇誨三千管
晏流雜霸事功止當年六經發蒙蔀今古日在天

巍巍無極翁昌代正學祖生從道州地如孔出姬魯西
山道州派上接濂溪武天意豈偶然真傳紹先古

科目動榮想葩華競浮文既獲釣名位鄙夫豈知君愚

生不此志願策克復勲叢軀夕可死但欲朝有聞
寥寥六經餘天下無文章揚韓特近似班馬熏何香道
至文亦精萬世朱紫陽願言楫洋海安敢航絕潢
世路既如此皇皇欲何之閉門事古學妙處倘可窺欣
然或會心俯仰得自怡先生惠終教勿作門牆麾

捫衣憶初時謹獨拜明訓冥途方擿埴夷軌忽發軔始
知顏四勿於此道有進敢云聖賢遠二字古心印

和楊鐵菴送子監鎮之任韻五首

關西夫子家清白乃世傳傳授已到君此脉要渾全青
雲開亨衢況及此妙年願言植名節照映東西川

君家遺子羸只在一卷書四世續科第積善慶有餘乃
翁一片心秋月行太虛宜哉有是子大似回不愚

去年唱第時文陣見整齊萬花迎歸來白馬黃金羈及
今催戍瓜步武青雲低風埃溘上征飄飄乘白鷺

初仕謂之筮已是行道時為官要自強謹勿事詭隨一
命可及民官正不論卑當今淮堧清犬眠足生氈

文章世家難有子夫何憂吾亦有青氈未作菟裘謀
鴛鴦鞭不及驥汗喘徒呀齁願隨君後塵擊楫江中流

番陽張君叔振觀予以其家雙瑞圖俾詩之叔
振大參忠定公諸孫也惟忠定公政和八年
魁天下某先世實隸其榜今某於叔振令子
若鳳為同年生世科之契也又何辭雖不能
詩謹課二首

望月犀角明涵星蚌胎聚斯石卧龍枕宜有蜿蜒具龍

頭君家舊有子踵高步層雲觸石出四海望甘霖
堂堂忠定家三世蘭為祥父子繼科第菲菲姓名香雙
英今復然階庭煜生光願言紉佩之百世當流芳

贈星學彭砥齋

彭君妙星數為人說窮通爵祿特磨鈍是名砥齋翁我
鈍不可磨礪礪煩良工寸鐵足剗巖遥遥廣寒宮

贈月堂徐相士

衡門選龍首摸索未容易龍首許黃扉却亦非難事濟

物乃素心好爵豈予志時來亦不辭焉用早設媚

人皆以貧憂

人皆以貧憂君子獨能樂中心賤榮利外物甘寂寞富貴如春花時去易凋落不如一簞瓢可以長處約

雪坡集卷十六

欽定四庫全書

雪坡集卷十七

宋 姚勉 撰

詩 五言古風

送廬陵郭僉判致仕歸

并序

某聞士君子之進退風俗厚薄之所關也雖然巧
進易勇退難進而得富貴以榮一時易退而立名
節以垂後世難一時之榮輕於後世之不朽也而

世俗之人醉名利之醪甘爵祿之藜味鮮衣華求得所欲亦孰肯捨其適心快意之地而從事於寂寞之濱哉君子則不然雖能無心於求名不能無心於立節進而得富貴以不義吾寧保吾名節退而得貧且賤也君子豈求異於人哉輕所當輕重所當重不肯以此易彼耳是故難進而易退焉君子之易常人之難也漢西都時風俗偷惰疏廣受始立高節以障頽波然而世知賢其人終未知

蹈其節自晉而下有張季鷹陶淵明一以蓴鱸去
一以松菊歸在李唐時則有裴晉公白太傅皆以
強健乞身去之數君子其爵位雖殊名節一也本
朝風俗最淳節槩相尚在上位如韓富歐陽司馬
諸公皆功名遂而身退在下位如吾鄉三劉亦
以忤權貴引去難進而易退大抵然也南渡以來
此舉漸罕如廬陵周平園楊誠齋則皆於爵通位
顯之時而上掛冠乞骸之請同辭宦路返鄉閭之

詩至今播諸人口近年以來奔競風熾昔人以為
易者今愈轉而難矣嗚呼安得如前數君子者之
為以挽回今之倒瀾乎廬陵郭先生以碩學掇高
科歷官高安判佐贊理毗政盛有能稱膺仕崇資
衢且亨矣而力乞掛冠于朝弗得請又再上朝廷
知所志不可回乃聽去嗚呼世方以求進為心而
先生乃獨求退為所難而不為所易賢矣哉位不
究施未得如二蘇韓富歐陽司馬周楊之位俸薄

職卑僅與季鷹淵明吾鄉三劉比然君子論人當
以名節不當以位同不同論也況先生所為乃今
之所難乎某辱先生知寢深挹慕高風以敬以嘆
自惟富貴利達夫人可能全節專名不可多得常
以今風俗為恥而以古風俗為慕但今未得位未
能無志於天下國家他日此志獲伸或得少立事
業于斯世敢不重其所難輕其所易效吾鄉三劉
之為以學先生之學周楊二公者不知先生許之

否乎先生之歸恨以身處異鄉且屬疾不得與東
門祖帳之列切效退之送楊少尹以序而詩以寄
情焉惟先生亮之

世俗風波甚誰能退急流淵明存菊日張翰憶鱸秋高
躅今云遠清風孰與侔明公回末習逸韻踵前修元振
才高古林宗學鮮儔未為川上楫姑運幄中籌太守先
公孝同僚上伯遊德偕才並茂文與政俱優士有春風
慕民無北雪愁寬平人自服欺紿吏應羞逸足方當展

閒身欲早抽聲名從日起富貴等雲浮帝許掛冠請人
多卧轍留山中無怨鶴海上有盟鷗西澗先生渙平園
老叟周高風追故國雅節映吾州巧祿慚奔競懷安鄙
懦偷號應重拜散亭欲遂名休親戚娛清話溪山豁遠
眸詩情入囊錦世事付紋楸陸子新茶具嚴灘舊釣裘
問松猶在逕種秫喜盈疇眼覺功名夢心輕利祿漚寬
山森桂茂謝砌長蘭幽清白傳家法詩書遺子謀摩空
已鵬鶚得路即驂騑事業今猶嗇功勲後必收三槐終

得相駟馬會封侯滿砌皆朱紱看公尚黑頭定知豐有
報此去浩無憂草色風翻翠楊花雪滾毬同歸春作伴
欲借路無由某也真踈陋公焉辱庇庥龍門曾足履鱣
席屢衣樞獎借情俱厚掀騰志願酬東門聞祖帳南浦
想離謳心曲懷依戀江鄉恨逗遛諸生數千兩悵望送
僊舟

此某少送廬陵郭僉判先生致仕歸時詩也蕭灘
彭君不知從何醬在間得之而傳之副墨之子詩

僅誤一二字序則遺誤多矣是雖少作然某自幼
謹為文不若是其疎謬也因取未焚去藁是正之
嗚呼送郭先生致仕時去今能幾年流傳之誤已
如此况古人文章去今千百年者耶為之三嘆彭
君曰誤不必論重所難輕所易之語顧毋忘之某
曰此素志也詩文歷年多容有誤此志則愈久愈
厲矣決不敢誤也子誠於他日驗之寶祐新元冬
十月望姚某書

送鄧若思赴南劍鄉舉

龍泉與太阿紫氣牛斗衝神物離必合龍津復相從
悠千餘年神秀人物鍾高密雲初孫星宿羅心胷居常
佩此劒溝瀆難鯨容竭來磨劒池清水為淬鋒秋風催
斫桂迥脫塵泥蹤勉哉各努力更作延平龍

次友人王半山韻

詩家王半山妙語占清絕曲高和斯寡郢曲愧春雪
中寓深意端為我輩設以規不以頌如玉得磋切予生

戰場屋一勝久未決勇餘尚欲賈磨硯欲穿鐵第慚不
善斲顏汗指亦血乞靈濟楚師此敵儻可滅如君洗塵
累盆盜易甄別鷹揚會有日奮翅脫籠絀

贈霆伯姪

靈源聚英氣融作雲霞精霆伯挹其秀胷府懷光晶誦
書過萬卷落筆起羣英文章有餘力賦詩吟性情短章
或大篇點翰長風生或吐健麗句氣象高崢嶸雲濤洶
萬里出沒蛟龍驚或寫閒逸句句法如天成微泉溜石

壁清吹調松聲或句和且婉純如奏英莖晴風舞雪絮
曉日歌春鶯或句端且嚴凜凜不可輕星辰列雲漢營
壘森甲兵變化千萬狀發越無定名清標鎮浮態沈謝
隲文成勁氣擬古作甫白焚詩泓不負飄逸姿孰爭前
輩衡學海不汗漫安見酌復盈文章用無盡蓋以天才
宏宏才戲翰墨筆勢宜如傾譬之一輪月皎皎當天明
晴輝照春夜花柳皆敷榮高秋爽氣盛桂影翻淒清又
如百川水滔滔地中行江湖風雨霽碧色連天平奔流

出三峽吼雷霆爭詩歌具衆體古人所難并子詩得
神助逸思隨縱橫失手墮之地聲作金石鏗俊才有如
此九萬飛鵬程卑哉溝瀆中安可容鱣鯨子以見吾家
人才世登瀛勉哉復祖業謹勿寒宗盟某也習箕裘生
涯風露檠家徒四壁立獨以道為畊文章厭卑繭壯志
思軒轟紛紛笑餘子藐視如孩嬰詩書自娛悅終日闕
柴荆欣然得子至倒屣來相迎佳篇出見遺未讀顏先
頽遷喬不擇木求通乃於盲視我如土鷄視子如鷦鷯

英風當遠避況敢事酬賡新筍日初熟我姑酌彼觥晚
風入簾幕窓外斜陽晴紅爐坐相對簷馬聲鏦鏘試將
今古詩與子細共評幽懷味此樂鼓瑟仍吹笙胡為不
留處駕言欲西征清飲不可再使我搖心旌努力各自
愛共濯江湖纓

訪郭德甫

美人在駒谷久別良懷哉秋風天氣清特為斯人來踏
月訪清夜巖扉肯予開弟兄儼相對松竹間古梅子姪

環侍側蘭植依瓊瑰青燈照圖史新酒羅瓶壘一家三代風和氣熙春臺富學飽停蓄厚德深栽培情周思孔子志伊學顏回皇路方嶮巇天馬須龍媒早歲渴霖雨神鱗起淵雷君家多生賢吾國正選才詔書明年近競踏黃花槐造榜正此天桂籍浮香催鵬鶚相聯飛燕雀更願陪

訪胡景顏

適齋詩僊人吟境天寬廣聞詩未識面魚鴈空來徃道

周歛相遇慰此積歲仰煙林指深處邀我稅塵鞅入門
境自勝萬竹颯蕭爽燈前酌夜雨談笑劇拊掌錦囊出
新什句字兩俱響明當早脂車未別先惆悵嗟予走紅
塵方此墮世網羨君飽林壑四序足幽賞努力喜自珍
清名照天壤

贈宗人簡齋

博文約以禮夫子誨子淵詳說將反約斯語在七篇由
繁乃入簡此學本聖賢卓哉紫陽公道統得正傳剖析

到精微而後會大全譏以為支離此說恐未然閑邪至
敬義簡易斯坤乾後學懶用功疎畧取自便藉口鵝湖
詩一蹴登青天浪云即心是所學竟類禪不知格物學
蓋在誠意先如斯謂之簡毋乃墮一偏此風近頗張門
戶欲自專君既學雙峯趨向尚慎旃路頭且要正莫踏
船兩舷

題陳致中環溪

出門何所有四面圍青山是溪從山來亦復茲回環高

人潁川君結茅此中間溪光挹漱澗溪響聽潺湲四面
勿着橋往來聽渠艱是名僊凡界亦曰清濁闕可人送
過溪否則溪上還

同張公望湖上避暑到四聖觀招柏堂月潭二
道士出飲

清晨有客來畏暑思避地涼多獨湖上一棹拍空翠長
堤舞楊柳餘雨在荷芰炎蒸俱已失滿抱足清意頗思
孤山頂有客具高致扣門聞琴聲便覺洗塵累湖邊出

問酒飲興隨所至池鮮煮珍甘水果剥香脆好風林外
來吹面涼不醉清談詣物表絕不挂世事畫舫何人斯
簫鼓正喧沸清遊彼應笑世味吾不嗜尚思攜枕簟同
叩竹間寺從今日日來莫厭驚晝睡

題章秀才畫山水魚龍

章生畫中師神秀蟠心胷兒時學山水近復能魚龍拂
素欲畫時默吮南山松斯須景與物以次生筆鋒畫出
巧安排咫尺千萬重陰晴弄明晦近遠分淡濃雪月清

瘦嶼煙雨朦朧峯有時作江湖萬派俱朝宗雲濤洶澎湃
雪屋驚奔衝風平坦如掌皺縠浮溶溶因水魚更巧
回翻態從容翻荷猛跳珠聚藻相噉嚼中有化龍鯉靜
伺機便逢天門露頭角滄滄祥雲從看君此四畫衆史
特奴傭當知各有意不特誇纖穠丈夫抱膝時清樂山
水供觀魚或濠上笑倚臨流筇一朝蛻鱗鬣屣脫塵泥
蹤甘霖澤四海電望慰九農

日食罪言

皇帝十四載新元紀嘉熙仲冬戊寅朔午漏方中時朔
風震丘壑猛籟號枯枝黯如商雪天四野昏垂垂晝炊
煙始息暝色來庭帷難登棧櫟立鳥急林梢棲頗訝南
至後晷度宜舒遲胡為景尚促疾甚駒隙馳兒童忽走
報日壁無全規倉忙出仰視如月初蛾眉金烏失燄彩
玉象潛光輝蒼天玳瑁色列宿爭依稀老稚相喧呼伐
社沸鼓聲不知何物恠掩此清陽暉吾聞陰陽家日月
以厯推日遲月行速羸縮數不齊遇朔必會合差忒無

毫釐氣盛或相掩二曜斯一虧望日日掩月陽感陰故
衰朔日月掩日陰盛陽乃微又聞玉川子月蝕曾有詩
謂此日月者天眼生東西兩眼不相攻相食其說非食
月乃蟆精伊感蓋自貽吾觀作詩人志各有所之玉川
特寓諫假此為之辭日月有蟾烏此事本怪竒况自食
其光安能走而飛書稱辰弗集天象昏且迷則知交相
食此說當勿疑思既得其說傷心重嗟咨日為衆陽宗
萬象皆影隨今者何不臧陰精奪炎曦仰空不能救涕

泗紛交頤嗟嗟今之歲天屢彰其威星文告示變雷震
洊失宜越在夏五月鬱攸煽京畿六月既望後月蝕主
旱饑今茲復日食災異何繁滋天意不虛示坐井聊管
窺即天以論人日君而月妃闕睢哀窈窕意在賢才思
靡曼或盈前必為物欲移今者日之蝕或恐由宮闈然
而吾君聖未必耽燕私君象日而尊臣象月而卑正心
在朝廷昭德可塞違國柄或竊弄耳目相蔽欺今者日
之食亦恐由羣兇然而吾君明朝豈庸盲癡人主向明

治武力不可燠方今北有敵負曩驚邊陲戰士怯不勇
塞馬紛驕嘶今者日之食或由邊事危然而吾君武安
肯假彼資重念此三者急務誠在茲萬一或有是是即
變所基應天不以文減撤徒兒嬉如人喪厥明必求良
藥醫一片葵藿心祇恐天未知何當排闥闔碎首彤玉
墀一篇痛哭策歷寫心傷悲一者何所陳無逸為元龜
暗室屋漏中肅如對神祇願為楚莊王規諫從樊姬母
效漢成帝溫柔老昭儀天君必清徹智燭光發揮如日

麗中天煌煌明作離二者何所陳用賢登臯夔選衆立
一相國論公主持烏臺執白簡妙選剛正姿戚里勿柄
授貂璫母印纍朝廷豁氛翳在位銷脂韋末光依漢日
天子是倚毗三者何所陳張皇吾六師擊楫如遼輩天
寵畀節麾賣國若檜等電掃無孑遺練軍明賞罰勇銳
奔熊羆南越頸可纓中行背必答如日照霜雪殄滅何
難為凡此三說者中心久思維明白可舉行匪曰徒費
詞能轉亂為治可回災為釐不學后羿射不效夸父追

捧輪上扶桑洗光出咸池蒼生照共仰九土光咸晞五
色太平象重暈中興期昊穹耀華彩萬國長瞻依

遊靈源天境遇雨各奔歸晚坐以不是溪居者

那知風雨來分韻得那字奉呈一笑

靈源水有天日涉勝趣多同行十數子散策經山坡溪
行小盤礴石坐閒摩挲野菊留餘花新梅著微柯寒鴉
落平田暖鯉跳枯荷是日冬曦溫景象如春和笑談不
知歸亦有載酒過忽瞻彼北山黑雲生崖我陰晴反覆

手天測不可俄長風舞紅葉急雨翻銀河儒冠各歌塾
僮屨皆奔波路滑爭牛羊泥濺亂鴨鵝席地聽沾濕樽
沙委駢羅五十笑百步曳杖如橫戈林間偶自芘棄甲
我則那留戀歸不早顛沛逢滂沱出遊不知時廢此嘯
且歌綢繆無遠慮其如近憂何茲遊已狼籍後計毋蹉
跎歸歟亟誅茅結亭依巖阿震陵有帡幪樂哉澗槃適
麻子湖遇逆風

嘉平既望餘玉冰發歸槳舟行苦灘澁三日葛陂上天

寒歲云晏道遠空悵惘行行且旬日僅此舟決滯順流
風忽逆進尺退或丈魚鼃反出沒濤浪相滴蕩茫茫水
接天四望極空敞雖令歸思滯亦覺胃次廣是時羣魚
集輒輒亂輕榜紛來以千百並進或三兩懸金上絳綸
跳玉中層網中間數十輩蓑笠牽畫舫沿流勤按視似
是此湖長彼行良甚捷此進不可強倘無觀魚樂孰慰
岑寂想篙師不告瘁竒觀亦可賞黃昏成野泊風雨助
悽愴勢如潮汐來怒若鼙鼓響吾獨安所適幸不愧俯

仰緬懷金蘭友氣義特慨慷念我歸苦遲舍我願先往
亟趨南浦城擇館待稅鞅今宵此風雨露宿必草莽繼
茲更三日會面一拊掌屠酥酒同傾共挹西山爽

白鶴

白鶴有奇質從古巢神僊饑餐必瑤草渴飲惟瓊泉朝
飛閬苑霞莫宿炎州煙一從落塵埃六翮翦不全身居
樊籠中心往雲霄邊長鳴欲誰訴顧影私自憐清都夢
如昨欲去曾無緣安得支道林使之遂飄然

蓮竹鶴

蓮為君子花竹有君子操深衣古君子清以仙自號徘徊蓮竹間似覺皆所好水邊立良久林外復高蹈翩然側翅舞意喜佳客到客家江南村幽處着吟帽有蓮環釣石有竹近茶竈胎仙夜生子併入平安報竭來踏京塵久矣不聞耗今晨三君子一見慰懷抱主人勿卻客借此日笑傲

醉芙蓉

庭前木芙蓉姿色異殊異初開花微碧僊子淡雲袂逡
巡改瑩白玉骨淨無滓爛漫欲謝時潮臉暈紅媚詩人
第花品獨號此為醉花雖無情物司者定有意晨醒粲
初發晚醉颯欲墜乃知沉湎者顛沛在造次可以為酒
箴者花當歌器

贈相道士梁彌僊羅浮人

羅浮古洞天花木麗春曉僊人住其間鸞鵠飛矯矯尚
有蒼生心一念百憂繞日與諸賢遊僊人如此少徐

梅

潘紫

岩

不可作空有贈子詩一蔡

久軒

二李

文溪解峯

存請子善

視之願言福壽兼長在白玉墀壽域躋吾民安用神僊為

題廉泉

凜凜清獻公盛德世所儀當年章貢治去止琴鶴隨於水取廉泉於人識濂溪廉泉水之清濂溪道之師斯濂願力學彼廉猶可為

題騰芳書院

若稽隆古時教者家有塾英才歸樂得粹學就私淑淳
風日云遠美意久不續朱君魁傑士卓見拔流俗燕山
靄椿桂謝砌峙蘭玉所居必精舍高繼紫陽躅竭來十
畝地建此一書屋前山畫屏列暖翠澄晴麓騰芳揭佳
扁意匠雅營築依墻御史栢繞舍君子竹雪香冠春葩
月馥播秋肅回廊啟齋扉雲蔭納喬木亭橋跨天沼檻
影浸寒綠中堂富圖史縹帙照籤軸仰瞻聖賢像冠履
森在目虛櫺設棊几日靜嘗好讀南窓窅明快天籟響

琴筑延師啟堂壇規矩倣白鹿義方已家庭仁意更閭
族朋來秀子弟戶屢輻輳擊撞金石樂真趣寄沂浴
似聞入腴壤將使任教育如斯邁種德豐報在名祿願
言衆龍駒相與策驥服體茲騰芳意誓必播芬馥濯纓
攬荃蕙結佩擷蘭菊藝文摘香艷義理浸醲郁學苗勉
哉植仁種貴乎熟大學先致知中庸必謹獨曾襟富道
德詞藻自充足當知宏施設得自大涵蓄雲龍起蟠泥
霧豹出隱谷芳名會軒騰霖雨天下福

雪坡集卷十七

欽定四庫全書

雪坡集卷十八

宋 姚勉 撰

詩 七言古風

題雪巖胡則潛詩卷首

君有雪巖余雪坡坡中雪少巖雪多試將二雪平章看
坡中雪比巖如何有人問我坡間雪一色平鋪寒玉潔
夜深明月可中庭化作冰壺底俱徹不如君巖雪更奇

怪松夭矯銀龍垂倚巖一嘯望清曉千崖萬壑俱瑤池
莫將多少分優劣只喜坡間同此雪蘆花月色一樣看
吾雪本來無欠缺羣芳禿盡梅始花同雲幕幕天之涯
蒲團竹屋坐聽雪春蟲撲窓蟹行沙書來題作雪家契
最愛君書此三字世人愛熱冷即嫌我獨與君同此嗜
雪無彼此只一家玉堂茅舍何等差紅壚一片會真趣
藩籬剖破非封蝸雪堂僊伯騎鯨去天台雪巢復何處
與君分釣雪江寒同唱孤舟蓑笠句

題李銳父所藏陳所翁龍軸

所翁先生人中龍豪氣下吞江海空當其得意作龍首
老手直與神天通雄辭妙語層層出醉中千幅筆一息
不遇先生大醉時人間安肯留真蹟先生徃徃自寫真
非龍之龍蓋其人請君什襲寶此墨此翁此墨不易得
題墨梅風煙雪月水石蘭竹八軸

清晨有客南昌來袖出數幅春風梅芳根不種生綃上
安得的皪霜葩開霜葩能開不能謝始信筆端生造化

細看入趣直欲攀亦復不知梢是畫迎風冷笑斜窺簷
披煙淡佇拖輕縑豐腴畧帶清曉雪踈瘦半橫初夜蟾
根栖怪石增奇絕倒影寒溪照清潔斜枝蘭外侶幽姿
冷藥竹間標勁節超然筆法無糝塵正歌仰俯態逼真
幾回卷軸却復展生意不窮看轉新只看幽韻自堪玩
莫道無香真可嘆清香已在杳默中暗起芬芳浮鼻觀
平生愛梅如愛賢恨無好句摸幽妍看君此畫得天趣
妙寫無聲詩八篇吾間古來能畫者畫馬曾中有全馬

君應滿腹皆梅花不爾安能筆瀟洒想君家住西山邊
萬梅谷中廬數椽月宵攜筇雪着屐坐石瞰水窺風煙
紉蘭傲竹今幾年食香換骨身可僊凝神吮墨淡一掃
不覺筆下花真傳嘆予自愛冰玉幹久藏一幅鴛溪絹
請君為作雪中百花頭上開掛我壁間供客者

送友人陳上舍兄弟試太學

東風颯颯吹行李榮送雙龍壁池水壁池浪濶高化龍
直透銀河三萬里君家兄弟真鴈行季方學行如元方

中眉不是弓刀軟个般人物宜膠庠只今膠庠多俊傑
正是功名到時節陳家原有兩狀元釋褐傳臚未應別
顧余亦問京華春蒼蠅顧附驥尾塵干將先去扶雲雨
太阿行亦龍延平

送松麓李應龍彛甫攜阿穎鵬升參學

老龍本自天門出躍入壁池聊換骨鵬雛天矯更不凡
平視南溟渺東渤玉京道上五年前曾見鱗翮雙飛天
祇今江國梅花路又送鵬雛逐龍去明年秋風層雲飛

後年春浪桃花肥搏鵬高騫龍速化倘許共勒青冥鞶

甲辰父
子同榜

送胡從甫劉仲山入京

梅花先臘開香雪魁信已隨春漏泄送君聯騎入天京
不作人間兒女別錦江俊秀皆朋儔其間偏善胡與劉
曾襟巧蟠錦繡段文采互照珊瑚鈎采芹宮裏羣遊戲
文字頡頏春燕翅西湖萬柳嬌春風相期同緩看花轡
棘闥風動桂香秋一駕那輸雙驂騮我悲日色謾迷眼

君喜朱衣皆點頭青天一界蟾宮路只要朋儕先着步
祝君猛去化為龍行繼延平躍雲霧君不見蘇易簡不
事探花與榜眼明番狀元未為晚

龍道者生日就狀元局中置酒寄以詩

去年六月初九日天地光明一佛出今年六月初九日
慈恩名標千佛一吾家德本深栽培庭堦煜煜芝蘭開
自從有子即擢第阿兜生時都帶來今朝宴客龍頭局
遙想吾翁抱孫浴手攜俎豆與干戈更提一筆蒼生福

願兒長成勤讀書忠孝一脉天相扶張家師德梁家固
重入衣冠盛事圖

姪阿鍾覓字與詩

阿鍾五歲已大奇從我覓字與覓詩粟稃不愛愛紙筆
此意豈是尋常兒吟詩寫字非難事字畫是心詩是志
器量充周志氣宏勁筆雄辭皆極致吾家鼻祖豐城公
庭叱百萬無虜雄子孫世襲節義風流傳直至江西翁
江西夫子今希有四經七舉為龍首不作孫弘曲學儒

文章只是宗元祐祖宗積善源深長爭奇競秀生諸郎
諸郎更有如鍾者引領丹山羣鳳凰曉窓讀書肯至午
夜燈琅琅明月廡只今小年已勤苦從此讀書到十五
貫經穿史包今古雪坡癡叔未足多十駕驥子一躍過
河南晁氏曾有樣二十子弟俱高科汝今羣從多兄弟
勲業相期各如意家塾相師學聖賢廟堂再拜傳忠義
義獻帖李杜詩遺踪雖在不必追請賡慶厯徂徠頌更
立中興浯水碑

賀族兄寵妾生子

艷紅香紫春正中扶輿磅礴清氣融玉麟夜掣香案鎖
五雲裏送光玲瓏吾家自是詩書裔秀傑相承擢丹桂
太丘合有二方兒省華湏着三堯繼近聞絡秀生伯仁
喜君掌上明珠新願言種德相扶植此子定是高車人
賀趙宰夫美任生子

趙侯德與甘棠種製邑三年民善頌玉皇有詔趣歸班
一夜長庚來入夢豐江羅峯神秀奪龍泉太阿光芒動

玉女擎香龍吐水慈雲親抱麒麟送懷王
仙人秀眉目披羽笑出蓬萊洞
奇骨崢嶸千里駿異采繽紛九苞鳳
人生有子萬事足又值朝天欲飛鞚
驪珠在掌鳬在鵠慶事方新殊渥重
周公為父伯禽子清廟明堂要梁棟
長成傳取魁衣鉢天生奇材湏大用
此兒見說骨已異壯氣衝天搖螭螭
我識英物試使啼他日定當磐石宋

賀孫舜臯子周歲

生 卯

卯君元是月中兔藥擣長生壽根固
去年此際挹秋清

飛駕冰輪碾風露來為龍谷曾孫兒生來一歲骨骼奇
廣寒宮殿出身處僊桂須還第一枝

贈新昌王藍田三子

太原曾有三珠樹花萼一團光彩聚清晨肯挾三鳳來
真是王家兒可譽乃翁哦詩松竹陰三兒吾伊玉應金
不須累碁撚蠟作跳虎駿響續取河汾琴沂公不作溫
飽計他日簾前退丁謂讀書有用須濟時莫止覓官求
富貴

訪李興伯不遇其家人命二子留宿有古人截
髮撤薦之風喜詩之

暮煙蒼莽浮林麓征人尚殿歸鴉宿山前知有故人家
急往叩門驚啄木主人多日出未歸鵲飛三匝愁無依
刳羊忽逢伯仁母設饌乃有襄陽妻竹窻掛燈見二子
褒已自佳融更偉烹雞炊黍羅酒漿奴飯馬芻更充美
慨然好客尚父風謫僊家人自不同古來如此能有幾
截髮留賓書入史王珪他日貴勿疑不須論客母可知

薦黃平仲過雪巖以詩代簡

秀巖萬仞拔天起，劃堦剜垠爭怪詭。
六花一夜積三尺，化作冰壺無表裏。
幼輿丘壑自不凡，何況有雪被此巖。
天教管領清涼界，雪巖自號冰書銜。
巖前列植梅松竹，三友相從吾事足。
靈臺片雪覲不消，吐作新詩動驚俗。
有客有客山水僊，揮毫欲寫雪洞天。
敲門試驚袁安眠，莫作剡溪王子船。

贈墨客呂雲叔

柯山葉姓貨墨者甚多皆冒茂實名而實非也有
呂雲叔後出不假葉氏以售而其法亦出諸葉上
予省試廷對皆用其墨偶利市歸道柯山呂請詩
漫紀其實

昔我奏賦趨南宮路逢墨客回仙翁筆端攪動雲霧起
裏送龍入天門中薰風入對經前路更覓僊翁一丸去
硯光旗影照丹墀一笑天顏承雨露謝恩獨拜雖偶然
回翁墨好蛻使僊時人從此填戶買鉛銖可博黃金千

一名一第秋蟬翼視草判花兒戲劇殿頭漬筆和金盃
方得回翁龍劑力

贈丹客鄒道士

退之不肯學神僊寧只崛強處世間紫陽先生亦有語
金鼎偷生詎能安政令白日生羽翰瓊臺玉宇高應寒
虎鉛龍汞吾豈曉獨有炯炯心如丹

贈宗道士元一自稱忠愍孫號雲隱能符法煉

丹

黃冠元帥之子孫於今身入虛皇門當年元帥扶宇宙
瑣瑣粘罕氣可吞汪黃沮撓不如意空使英雄滿襟淚
子孫從此懶作官隱入雲間羞用世誓掃塵氛志未伸
中宵往往泣鬼神家傳一點心及物燒作金丹功活人
蒼生億萬方受苦莫戀蓬萊隔風雨急鞭禿角起豐隆
瀉作甘霖蘇旱土

贈黃道士思成祈雨感應

丁巳孟秋春戊午不雨三時嗟旱苦低田高壠皆黃埃

佳種幾成不入土富家倉廩鐵灌鎖民腹為雷淚為雨
更遲十日天不問血肉磨牙總豺虎縣官祈禱聊具文
饑聲嗷嗷恬不聞山中道士睡不着鞭龍起電驅風雲
天瓢點滴翻駿馬一日甘霖遍天下盡將昨夜赤千里
化作今朝青四野農家笑語無愁聲指日可望天太平
熙朝真主聖且明漢雨不待宏羊烹或言天民天自恤
或誇調燮有新術山中道士不言功飽飯熟睡聽松風

贈山月道士

山高月小赤壁遊夢中道士鶴掠舟當時此鶴是君否
猶愛山月懸高秋夜深萬籟寂不覓金波行空爛將流
劃然一嘯拍欄玉宇宙萬物皆浮漚

題道士瀟碧

此君蒼蒼誰予植萬箇琅玕列如戟翠寒綠淨不可唾
一片化作瀟湘碧堂中有人有詩癖日坐清陰聽玉擊
巖廊舜正南風琴不作江邊淚斑滴

中秋放舟

玉壺瀟洒澄風露一派銀河卷輕素九秋此夜恰平分
水輪碾上青霄路繞枝散亂驚飛鵲搗藥分明見靈兔
荻花冷浸一汀水桂子香飄半天霧江山如畫洗塵目
風景入詩多秀句乘風緩放牛渚舟仰空長歌赤壁賦
狂來舉楫直欲舞興到行盃不知數此江流水自千古
此月照人知幾度一年好處在今宵不到天明莫歸去

西山雪嶺

風掀晴空作頑冷雪欲成冰漫翠嶺白雲峭崿堆不散

玉龍蜿蜒睡未醒
岷峨太白橫參井移作西山奇處景
浩崖安在呼使來與駕飛車登絕頂

清江曲

夾岸桃花燕子飛
一江春水鰕魚肥
綠綸百尺煙波濶
午夜鳴榔載月歸
扁舟一葉橫沙觜
得魚爛醉東風裏
綠楊深處酒醒時
半江潮落天如水
萬頃滄波五月涼
一川紅錦藕花香
綠蓑青笠鳴疎雨
老樹殘烟帶夕陽
野船細火夜明滅
一笛風清楚天濶
無魚無酒且歸來

蓬底蕭疎卧明月萬里西風雙鬢華江南江北老天涯
瀟瀟兩岸梧桐葉漠漠半川蘆荻花柔櫓聲中山水綠
一絲買斷黃金屋沙邊鷗鳥莫相猜是非不到清江曲
葦折荷枯人未歸波寒霜落鴈初飛不知節物時時換
又折梅花下釣磯青山四面清歌發幾點沙鷗起天末
一任長年醉則休醒時獨釣寒江雪

桃源行

武陵溪邊翁好漁簑簑釣車日採魚扁舟為家葦為屋

豈知世有神僊居曉來不記舟行路忽在桃花深絕處
紅雲杳靄望欲迷絳雪繽紛落無數水源盡處便逢山
一逕似通人往還穿花竟出洞谷口別有天地如人間
青山高下鱗鱗屋秀野桑麻深潑綠春深耕罷犢牛眠
晝靜人間雞犬熟村中老幼皆相知驚逢外人子為誰
平生採魚不到此借問此是蓬萊非笑言此亦人間耳
間有蓬萊何處是秦初避亂偶此來今日已傳秦幾世
漁家不識青史編相傳去秦六百年吁嗟已不聞漢魏

豈復知今晉太元當時祇恐秦萬世攜家挈鄰相遠避
早知秦不五十年安得種花來此地採藥山人去不歸
啖松女子今何之種桃着花尚未實未必歲月多如斯
家家置酒延雞黍便好卜鄰花底住中心自喜口不言
後日重來今且去悽然辭別便登舟依舊花間溪水流
挿竹謾標來處路鳴榔無復舊時遊顧家一念僊凡隔
如夢驚回尋不得當時不與俗吏知或可重尋舊踪跡
五湖雲擾豈減秦晉人合作桃源人漁郎出山自失計

秦人絕踪應未仁
漁郎漁郎休太息
漁家自有神僊國
鱸沽酒醉蘆花
此樂桃源人未識
神僊有無何渺茫
退之此語誠非狂
淵明作記亦直寄
便如東臯誌醉鄉
秦風鏃薄難與處
晉俗清虛何足數
願令天下盡桃源
不必武陵深處所

雪坡集卷十八

欽定四庫全書

雪坡集卷十九

宋 姚勉 撰

詩 七言古風

送陳糾仕滿歸

江西道院春風裏
田里嘆愁聲不起
黃堂太守政如神
館閣掾官清似水
掾官皆清誰最優
寮中錄叅陳太丘
奮身原自科第出
不比刀筆庸常流
生平妙得書中趣

默會欽哉恤刑句木天玉堂未肯遊且為黎黔了冤訴
操心仁恕真崔公湯潘沐浴羣囚同雷轟電燭不留滯
狴犴昔滿今俱空歸巢羣鵲依庭木春晝園扉芳草綠
政成來泛幕中蓮吏案凝塵無訟牘幾年推政冰霜嚴
生怕歡與愁俱添公揮椽筆議草弊和氣鬻鬻生青帘
感恩戴德殊未已鳳詔飛來趣行李雲衢直上驟驂騑
一日進風千萬里昔公留此民如瘳今公去此民如愁
父老何嘗欲君去州縣但恐難公留陳平他日宰天下

大志奇材見分社况公陰德似于公寧不高車乘駟馬
于公受報在子孫天今報公及公身公身榮顯復子孫
造物豈負真賢人錦帆招颶鼉鼓愁聽數聲離岸櫓
公還為雨澤九州多為高安添滴雨

送楊帥叅之任

古來幕府俱才雄子美嚴武韓裴公近時幕府養清望
一事不到籌帷中先生人物宜臺省豈合官曹坐間冷
祇今時事欠撐拄袖手旁觀應不肯潯陽戈甲屯如雲

天子命我叅卿軍江頭策馬斬渠帥快作當年虞允文
欲知允文宰相業只觀采石江頭捷滿望麒麟第一功
不唱陽關第三疊

送高錄叅美任

高安之民椎且質空蒙惡聲頭上筆獨惟猾吏可怕人
架鷹騰霄柙虎出貪官乞錢吏手中庸官仰筆描吏容
獄情黥炎直為曲雖欲辨雪何由從先生來糾高安獄
直道仁心作民福吏知積德不忍欺因感吐誠爭首服

掉頭不肯徇上官幾回拂意思掛冠伸冤振抑必得請
媿殺同列雙顴丹先生種滿甘棠了天子知賢恨官小
若人底處可安排不在玉堂應鳳沼鱣鯨自不溝瀆留
郡官無賢民却愁愁公歸去莫報德但祝高門于定國

送鄭編修侶罷任

江城雪作陰如莫兒樣老翁啼塞路雲深日隱天不知
驅馬蕭蕭使君去使君四海鄭村邊人是白玉堂中僊
君謨政事文永叔五花為筆蒲為鞭民酣醇酎春風裏

吏姦如魚在寒水橫江立石電截流要使千年履如砥
瓜時且及報政成漢法選表宜公卿況今世號天清明
如何饑烏啼夜聲饑烏聒聒正攫肉驚起鸞鳳騰去速
世間公論竟有否汙此無瑕雪團玉杭州白傅亦自無
若有意以猶疑珠中湖築堤到今賜當時儉兒羣謗蘇
先生去住輕蟬翼一笑歸歟黜如陟但民失母士失師
欲取讒人投有北浮雲豈解終為昏先生即來直北門
偏州畢竟着不得滂沛霖雨蘇乾坤

次楊監簿上陳守賑災韻

稻田碁局分郊區人煙盡障聯城隅新秧入夏種俱了
一色秀綠連天鋪年豐正為憂國願雨霽忽動民愁吁
浪浪竹瓦日鳴瀑爛爛苔砌長跳珠江流入市舞篙楫
野潦斷路迷樵蘇孤樹空留白屋少平地欲縮青天舒
犬雞登簷呌雲霧蛟鼉上岸疑江湖使君視民容有戲
憂且蕭牆非顓臾家沒半扉鼃上竈食不一粟糟為餉
鵝衣鵠形避淪沒槁項髻額相攜扶下車以來宣德意

但有寬政無急符溺饑胥至蓋由已食必稷奏土禹敷
故侯遺我四百萬指此亟作民良圖餽無所處不受是
君子貨取安可乎分甘固欲買不語溝清那肯同渠汙
一朝盡散色不靳可使被澤遺匹夫錢從民來復還民
塗血不用子母蚨坐令鴈澤得復集豈但魚沫聊相濡
四旬奚堪水五至十室不忍煙九無只求編氓易菜色
寧計私橐如匏虛方今汙吏爭侵漁溪壑不厭求贏餘
官錢花破入私帑期限火急催民輸貪者盡笑公迂儒

安得天下皆公迂

次楊監簿新闢小西湖韻

搜竒抉異三十載此湖如玉韞而待發源遠自錦江來
匯流近與柴門對山川融結自古有造物局藏深意在
瘦筇曾作日尋討一見便覺天廣大兩山宛似南北峯
况有層塔相暎帶芰荷十里萼綠華雪月三千銀色界
深藏最有君子意自銜殊非小人態西湖每遇蘇雪堂
妙句尚憶秦淮海此湖端為舊遊發坵重未信吾州隘

鐵菴蜀珍坡僊派下筆作詩風雨快從今
新瑞次古杭
敢賀此湖貢慶會

題河沙寺西崖

河沙古寺臨江干山如蜿蜒翠龍蟠
入門雙石踞席豹排雲萬竹森琅玕
山中有景開屏面路入西崖羊角轉
一湖橫陳白於銀一溪西來淨如練
僧言此處好結亭孔方絕交呼不應
竹陰深中即亭子風月為戶雲為櫺
寄賞錄事今豈少不日誅茅坐林杪
飯餘曳杖一登臨

看盡青天沒飛鳥晚天落日浮湖光漁舟相連鴻鴈行
浩歌橫笛互相答底處更欲求瀟湘荷山對面不盈咫
門前吾家錦江水何時亭子高崔嵬年年釣蓑為此來

題南昌邑大夫俞君尊公坦庵

人心機獲日以非太行羊腸同一巖坦庵先生獨不爾
方寸境界天平夷絃歌武城有賢子寬曠襟懷亦如此
會令天下歸此庵蕩蕩康莊行九軌

梁新恩送龍涎香盃

神龍側枕瓊瑰卧表裏透薰香玉唾巧工斲取破天馨
碎屑沉蘭百芳和製成七寶金霞觴猶帶嶺外梅花香
醪醕一酌發奇馥滿中灩灩浮龍光感君遺我真情厚
歸拜庭椿一盃酒峻第高官不足榮人生只願親庭壽

謝胡龍溪惠酒材及五德

臘寒無酒虛瓶壘雪窻孤此梅花開乾簷鵲噪帳鶴舞
蒼頭疾足龍溪來龍溪遺我明珠斛玉藥僊花光照目
急呼侍兒洗瓦盎壓此蒲萄一江綠缸中酒熟雞更肥

癭樽竹筴常相隨故人故人來何時安得勇赴雞黍期
余評事惠龍團獸炭香瓔鳧實且許以百丈山
楮衾而未至

青禽銜雲落蓬壺風簷快讀光眉鬚百朋珍貺羅庭隅
一一皆可當清娛建溪龍焙香雲腴香瓔巧製來東吳
鬚鬢獸炭奇形模辟邪天祿獅熊羆王家烏種君家鳧
晴沙暖抱明月珠雅意下照僊人癯矮窗醉兀詩情孤
蒲團松拂燒紅爐蝸廬積凍春潛驅侍兒金珞香玉膚

月鐙着雪煎春酥窻前笑玩嬌黃雖能言直可貢上都
其波及晉皆君餘獨欠一幅橫雲鋪王孫醉擁紅氍毹
楮生長揖非吾徒藤床紙帳恰此須能供梅花清夢無

贈棊翁挾二童皆高奕

蓬萊閬風白雲鄉瓊樓玉館相低昂蟠桃影滴仙露濕
壺天晝日和春長老僊鬢眉白於雪雙侍女僊冰玉潔
龍牙棋子琅玕盤消遣洞中間日月乘風來戲塵凡中
皓鵠驟以雙鸞紅女僊似是王屋婦老僊似是商山翁

一聲飛電枰中落應手釣天僊樂作環者側睨驚相呀
盡是人間未曾着人間事變如雲輪面勢更改番番新
撫枰不是少奇着往往當局多迷人五老峯前白鶴址
晝眠扃門日清美棋聲流水古松間忽然聞之雪堂喜
雪堂欲學竟不能不如旁觀眼自明馬鞍聽朽柯聽爛
局中有路能長生

贈定軒游季升能地理

海風吹潮濁如泥咫尺不辨魚與龜秋潭表裏冰鏡淨

下瞰直可莖鬚眉乃知有萬不齊物心到定處皆能窺
君心久矣波不起天地不逃圓鏡裏胷中玲瓏列星宿
眼底遠近佳山水人言君脚踏四方不知君間謂君忙
寒爐曾與話清夜始覺牖戶虛生光我生之日直南斗
逢人得罵不脫口而今只把定眼看得失空花總何有
但愁國事紛披猖舉棋不定觀驚旁天傾地仄欠撐拄
安得不動鐵脊梁

贈郵文秀才

風行水上真文章不羽不脛遊四方妙語綴入牙頰香
意有佳客揚其芳美君金壁不願將多文為富紛儲藏
牙籤玉軸綳縹囊書船貫月飛虹光鼎肉試取一齧嘗
珠璣璀璨錦繡張疾指快讀下五行虎鳳蔚躍蛟龍翔
尚欲效學雞林商遍索偉製豐行裝哲匠謹勿麾門牆
當遣紙價貴洛陽

贈真術秀才

秀才天台人善談星命先兄存日嘗以詩遺之攜

以來為予言命予不喜問富貴者也感先兄遺墨聊以賦之

天台真術李秀才手持先兄遺墨來先兄已矣遺墨在三讀感噎重生哀哀餘試問子何術星斗紛翻舌端出不須問術只觀詩詩好應知術真實大凡學術總要真不真誤殺天下人近來世人多弄假不獨肆中談命者

贈古朴相士

巧夫縱誕爭說相口角濶翻如剪樣眼中元不識英奇

隨世炎涼分下上貢諛乞得貴人詩紅籤綵軸珍攜持
未遭窮士或有贈爛在醬瓿問不知如斯等輩真肉眼
砂裏精金豈能揀古朴相士却不然品題每在未遇前
前時贈詩紙欲朽逢人誇張不去手古朴相士真識人
識人須要當賤貧信知巧者盡虛偽惟有朴者全天淳
願君終身如此朴俗態高低不須學

贈金斗相士

君有金斗盍自珍持此量我非其人欲我覓印如蘇秦

我寧滿喫三斗塵

贈行在李主人二子

李家自古兩詩仙太白長吉相後先
蟠螭屈曲作妙語到今氣馘干雲天
君家家裏二奇子眼如明珠頭玉峙
長成學取二仙人要使詩人常姓李

贈天王長老無着能醫兼善畫龍頭


唐有一僧妙醫藥得大醫王三昧
覺雨中盥手瀑簷飛驚嘆病龍腥唾
落須臾雲霧忽銷霽白髮老人來
矍鑠

自言病中困行雨願得良鍼蘇脉絡授方寸剴應時愈
拜奉僊方效思邈此事今無古信然說與時人謾驚喙
早來忽得絹素軸挺挺祥龍露頭角心知此龍非病者
噴霧洒雲天洗濯龍身不病澤四方萬物全生總安樂
此龍此醫今是誰天王長老僧無着

贈饒春卿丁巳秋醫痔有功

扁鵲華佗不可作龍宮寶方閉金籥春卿奚氏劍江饒
老眼熒熒仙授藥傳醫五世活幾人計日而愈功何神

縣疣附贅夜驚失立使笑語開嘖呻方今氣運乖生盤
天地中盤大癰痔護疽養疾誰見憂彼何人斯甘吮舐
石猶生我疾毒多能治不使如國何嗚呼安得醫國之
老如此手勿談時事且飲酒



雪坡集卷十九

欽定四庫全書

集部

雪坡集卷

二十三

詳校官庶吉士

臣

初爲齡

主事

臣

呂雲棟覆勘

總校官原任中允

臣

王燕緒

校對官主簿

臣

汪日贊

校對官中書

臣

戴衢亨

謄錄監生

臣

姜今熙

謄錄監生

臣

李天綬

欽定四庫全書

雪坡集卷二十

宋 姚勉 撰

詩七言古風

潘凱吳燧二察甚振風采劉仲山有詩因次其

韻

國家元氣幾如髮章李以來幾臺察

謂章公琰李公昂英

翻盆窺

甕若不聞射影含沙但潛發坦途自詫忘羊腸堅冰恐

已在履霜熙豐舊人正伺隙乃爾寂寂無精光抨彈已
上旨宣諭諫不能行法當去老烏欲食不再鳴幸有新
來柏臺䟽蟄寔忽擊贖者驚不待數月如陽城中書君
已非偃月何事亦惡仗馬鳴奏䟽流傳人吐舌未死姦
諛面頰熱祇今時事尚可言奏四十章當一月直言不
憚方威靈本朝未嘗言罪人但圖奏上天子喜莫管近
前丞相嗔向來慶厯子唐子千古名垂汗青史瘴山炎
海固鬼愁志士寧能彼易此風塵瀕洞何如時麒麟豺

虎方爭馳士所當為未止此志完幸聽承君規

丁巳春言事西歸和朱子雲賜詩韻

鯉魚書來上誰字斗牛光中湖海士梅花臘雪曾會面
桃李春風一彈指剝書得詩意雄傑鍾呂驚聞箏笛耳
懦夫有聞氣可作姦諛未誅神已死奴唇爭笑乃獨否
我心有同固如此君家請劒攀折檻遠勝衣繡誇歸里
立朝日少諫多藁況有竹林老夫子百年易了富與貴
萬古不磨天此理笑罵從渠官欲好妻妾羞人身不恥

獲禽一朝固可十天下良工安肯詭古人寥寥今不見
舉世滔滔此皆是蛾眉方遭衆女嫉足音忽動空谷喜
我欲淨洗后土泥子為快挽天河水

和楊監簿咏梅

不知年換山無歷日短著書陰自惜臞僊誰與伴清孤
竹裏梅花破幽寂月窻看影嗅曉奪雪徑尋花驚夜失
絕憐一點清淡意不作羣芳妖艷質夢寒翠羽真恐浣
香遠細腰何敢即廣平亦作軟媚語可笑鐵心輕變易

梅州叅徹梅花髓句中有味供紬繹水甌滌筆想更奇
試為此花重請益

送孫龍谷

煌煌南方老人星天邊飛來地上行秀眉方瞳瑣骨聳
升降步履如風輕生平見說勇為義十指團圞一和氣
祇今福壽天所報眼底曾孫家四世瑞祥融作合幹松
豈惟義聚蒙天封義人合得松樣壽孫枝翁勃環老龍
先生教人忠與孝家法可為民則倣道中有福理自然

必收詩書仁義效子孫森列皆有文次公長公為弟昆
曾孫早娶見玄孫蒲輪迎召登金門

送李幼章

梁間呢燕將雛林中櫨櫨反哺烏君前舍羹潁谷子
橐中寶篋翳桑夫五年得金方還養有婦有婦愁秋胡
士生志大雖江湖不堪回首飛雲孤伏雌虞庠且未論
占鵲日日旦及晡篋中萊衣幸可着腰下何必印若蘇
因君歸去長嗟吁君有母遺我獨無為親負米今已矣

落日慟哭悲丘墟
願君升堂奉甘股
毋使專美徐仲車
九日簡張倅

西風破帽吹不斜
東籬繞行空嗅花
隔牆酒熟無鄰家
草堂欠醉從誰賒
亦思峯頭作重九
安得天風吹灑酒
別駕倘作城南期
賢似江州王太守

送胡季弼入太學

春秋自有胡氏學
盡束諸家上高閣
當時小試錦江城
橫翼秋風天一鶚
祇今冠帶圍橋門
孤羆兀坐空孤羣

近來文氣頗卑恭要使四海宗雄文余生志願遊壁水
竟隔蓬萊三萬里雖然末第偶成名俗骨自憐凡可鄙
君今換骨向時中六館名流自不同宰相狀元三舍選
齋前碑字看填紅

送漆文甫尉分宜

吾兄梅花冰雪臞胷中萬卷行石渠同生丙子自兄行
才學推兄更有餘月中折桂仍先余兄騎快馬余蟾蜍
一行作尉表貳邑春臺春風宜吹噓阿瞞綵棒謹勿設

民命今皆轍中魚，合得官職聽自除。
覓薦莫作迎逢說，寒齋話別酌霜月。
祝子但此霜月如欲留，不可空攬袪。
兄出我處從今踈，兄出我處從今踈。
有便但寄歲規書。

送琴隱吳君

天高日烈勢欲然，秧已生節未入田。
誰歟操琴尊師消，使我赤地里至千風雩。
且歌吾自樂窮閭，不可無炊煙。
薰時解愠民望切，亟為我作南風絃。

題譚君詩集

譚君蘇野塘婿也

建州衣鉢傳武功山谷濠梁窺謝公譚君之詩何自工
君家詩有冰清翁野塘千頃涵秋風資奩盡在奚囊中
蘇僊今已騎虬龍野塘釣艇君誰同

贈彭花翁牡丹障

洛之花圖歐公詩驚怪天巧呈新枝自言當時記者數
十種姚魏後有潛溪緋蜀之花圖景仁句香雪藥金藏
不露徑圍三尺瑞雲紅尚有二花添未具此花非惟今
所無世間久亦無此圖東南花樣自來小如盤能幾多

如孟曉來明眼花翁作風韻宛然如蜀洛寫作花中第
一花羣類一時都脫落想渠歆筆小盤礴心去化工無
一膜天上司花巧不神筆底春風光欲爍籠寒不假青
弱庵護日何須碧油幙月坡堤張家園郭令公宅東街
偏錦衾繡帳相接連一夜移入歌堂巔吳臺教戰娃數
百漢宮列侍娥三千鮫綃十丈思公譜錦茵萬態元興
賦花自長春蠟不封根無下土蟲難蠹花翁花翁子誠
能見渠此畫萬感增此花昔惟載本草流傳至唐花始

好移來從武壘愛重由環兒名花與傾國初著沉香詞
從此帝城春爭逐賞花期徑尺誇千朶萬錢買一枝三
街九陌沸遊賞冠蓋車馬相追隨自入天朝花最盛長
壽不數唐崇敬豈非洛陽天下中和氣又非長安同故
令百卉巧變幻黃緋紫白深淺紅簪花下至採樵子獻
花上至蓬萊宮或言此花特妖媚只解趨時爭富貴阿
壘移來醜此妍阿環貴重榮猶悴四香閣上屬誰家朝
恩宅裏知何地世人浪自相矜誇看到子孫能幾家我

言此罪不在花自是時輩爭榮華洛人珍重姚黃不輕
畀一根不入權豪第花知天朝真治世萬古天藏發奇
秘洛不愛寶蜀出珍如鳳如麟王者瑞洛中富推程與
邵蜀之蘇范輝相照人品亦如花品高斯人斯花古來
少後來蜀洛黨小分世間萬變如輪雲洛陽名園占治
亂讀書至此空三嘆洛宮禾黍今離離蜀道峨眉更慘
淒花翁作此豈無意要見祖宗全盛時

京城苦熱

羲和鞭日就地行祝融張傘燒空明錢塘人家苦偏仄
行立坐卧皆如蒸清宮水殿山我雪夜飲相攜冰玉潔
溫泉浴罷清風來太液池邊芰荷月王公甲第連雲霄
松泉竹石秋蕭蕭龍皮浚沁寒坐客驪珠直上清塵囂
天上清涼不知暑炎熱人間徒自苦亦有江南雲水鄉
胡不歸歟釣煙雨

夢保母如兒時

憶昔兒時衣百花阿母扶我上戲車兩歲讀書未離乳

書罷尋乳猶歸家年方十三失阿保弱冠慈母僂去早
祇今堂上獨靈椿念及庭萱怨露草夜來忽夢如兒年
阿保攜抱慈母憐人生安得常童顛只作嬰兒啼母前

題魁字軸

玉衡杓建天之綱枕參魁耀森寒芒總提衆星環侍傍
仰望熠熠開神光有美俊容分天章收入翰墨何淋浪
一筆三丈起尋常字勢直作蛟龍驤錦裝玉軸垂高堂
標靈發異呈嘉祥即吐奇策先衆芳巍我姓字壓四方

魁下三台炳煌煌上拱紫極天中央作第一流謹勿忘
冠冕今古萬世香

雪坡集卷二十